

《念》

copyright@培敦中学

编剧：李绮琳、袁斯灏、何禄琴、林泽锋

演员表	
角色名字	演员姓名
沈志扬	钱梓旻(过去) 黄德天(现在)
老板 (志扬拍挡)	郑晋谦
志扬父亲	胡智活
老板太太	梁思韵
老板女儿	袁乐桐
黑社会大佬威哥	郑振威
古惑仔辉哥	黄炯辉
囚犯A	袁斯灏
囚犯B	方家荣
囚犯C	李诺轩
囚犯D	郑晋谦
男秘书	方家荣
文员老板	袁斯灏
清洁婆婆	李诺轩
节目主持 Jessica	刘嘉泳
老伯伯	黄炯辉
士多店老板	郑振威
电视台助理	何禄琴

开场

第一场：动摇

场景：监狱

人物：沈志阳、囚犯A、囚犯B、囚犯C、囚犯D、父亲、辉哥、威哥

(囚犯C走去台右打水，囚犯D走到囚犯B)

(囚犯D踢走囚犯C嘅水桶)

囚犯C：你有冇规矩架你！你识唔识排队架！

囚犯D：你同我讲规矩？你未够班呀！系咪想试下开片呀！（推囚犯C）

(囚犯C上前打佢，被囚犯A拉着)

囚犯A：好心你出少句声la！当咩事都有发现过la。

(囚犯C捡返水桶)

囚犯C：你好嘢！（返自己位）

囚犯B：睇佢个样，都有排唔会出嚟la！

囚犯A：系依道开片，大家都5会有着数。哪，你不如照顾下D老婆仔女仲好过la！

(隔一阵)

志阳：我老婆生仔啦！

囚犯C：切~士多啤梨？你当佢系你老婆？

志阳：唔得咩？你旧当你个木瓜系个仔咁咯

囚犯B：咁都好过1394将榴莲当自己个老豆咁服侍啦

囚犯C：大老呀，你地系道搵波钟架炸！

囚犯A：咪系lo！比尽你又又可以赚到几多钱啊……

(灯转，回忆过去)

(音乐入，辉哥唱歌)

志阳：唉…

辉哥：志阳，唉声叹气做咩呀？

志阳：我最近有D钱银问题。

辉哥：钱银？系我辉哥身上从来都有担心过！哪、跟辉哥一齐搵食，包你赚到笑 呀。

志阳：咁…咁辉哥你可5可以搵多几份兼职？

辉哥：唉！兼职，比尽你又又可以搵到几多啊！哪、等我介绍个人比你识la ！（威

哥入）一讲曹操，曹操就到。（望威哥）威哥！入庙都要拜神，仲唔叫人！

志阳：（结结巴巴地）威哥.. 我叫志阳…你好

（威哥同志阳握手，同时交钱，然后再隐约地一张纸巾比志阳）

威哥：哪，见你系第一次，比多d你，好好做好佢呀。

（志阳打开纸巾，发现系一包白粉）

辉哥：哇，咁好赚？，威哥你从来都未比过咁靚嘅贷我wo…咁仲唔多谢威哥！

志阳：下？我…我我运唔到毒品架，我做唔到架…

威哥：咩嘢唔得呀！你运都运la ！做熟咗就得架la ！你几时见过有人比人捉到呀？

辉哥：哪，志阳。你睇下辉哥我，做咗三年，都未比人捉过，又点会有事啊！你唔讲，我唔讲，冇人会知嘅。

威哥：你系咪惊呀？惊嘅就唔好做呀，比返我。

辉哥：得嫁得嫁！佢系叻仔黎嫁！黎！饮返杯！

预祝合作愉快！

威哥：好！下场我请！

（灯转）

囚犯A：比尽你，又可以赚到几多啊！

志阳：不如你地认真D咁剪下草，照顾下个D老婆仔女算啦

囚犯C：算吧啦，点照顾咪又系咁细

志阳：我同你地唔同，我嘅梦想系(企起身)种出一个有拳头咁大嘅士多啤梨！

(其他囚犯笑)

囚犯C：发梦啦

囚犯A：咪系，有冇亲人先？如果你出到去，有亲人借钱比你，实现梦想都容易D啦….

(灯转，回忆过去)

(志场入)

志阳：返嚟la。

父亲：志阳，过嚟，有嘢想问你。(比白粉志阳睇)我系你间房搵到依样嘢。

志阳：冇，同朋友攞来玩姐

父亲：你老豆我之前当差嘅，心照la

志：点啊？审我啊？你仲当自己系沙展啊？你未够班呀！

父亲：我咁样做，咁样话你都系为你好架炸！我都5知你几时接触D咁嘅嘢！

志阳：(猛然起身)我都唔知你搞咩，我细细个因为你烂赌冇左个阿妈，大少少呢？

如果我唔系攞综援啊，我依加都无书读呀！搭车、食饭，样样都系钱，你比过几多我呀？

父亲：系…我之前系衰…但我唔想你仲衰过我啊，你自首啦，我帮唔到你咁多架。

志阳：我觉得我除左系你有份生我落来之外，我咩都无欠过你lo！既然宜家你阻住我搵我嘅生活，咁算lo！我同你从始无关系呀！我以后发左达，你咪洗旨意搵返我嚟养你呀！

(挥袖而去)

志阳：我…..的确系冇屋企人

囚犯C：唔系啊嘛，咁快死晒？

囚犯A：讲咩姐你(敲囚犯C的头)

囚犯B：唔好唔开心喔，可能出去仲有转机呢

志阳：可能啦，可能啦…..

囚犯A：出去先讲啦

囚犯C：不过我睇你都系算吧啦，我哋哩D命中注定，黑就系黑，白就系白，黑嘅咪系依道坐lo，返唔到身架啦！

囚犯A：(按下C的头) 出去先讲啦

(钟声)

囚犯B：唉，又要去步操la

囚犯A：行la，后生仔。

(囚犯B和A押着C离开)

(留下志阳一人)

志阳：(不确定)真系噉咩…

第二场：遇上希望

Part 1:

场景：Office

人物：志阳、文员老板、男秘书

志阳：你好！我系嚟见文员架！呢份系我份履历表！

男秘书：咁入嚟啦！

(男秘书带志阳入老板办公室)

男秘书(大声)：老板，呢份系佢份履历表，佢嚟见文员架！

老板：呵呵，后生仔你叫咩名呀。

志阳：沈志阳

老板：咩话？大声少少

志阳：沈志阳！！

老板：咩话？再大声少少

志阳：沈志阳！！！！

老板：果然系后生仔，够中气！唔错，唔错。不如你讲下你有咩可以胜任文员呢份工啦。

志阳：我打字好快架！你讲咩我可以原封不动咁打番出嚟！唔信我打比你睇！

老板：(深呼吸)一蚊一斤龟，七蚊一斤鸡，佢话龟贵过鸡，我话鸡贵过龟，咁究竟龟贵过鸡定系鸡贵过龟？唔错啲，后生仔！(睇履历表)

老板：呀秘书啊！呢行细细粒嘅字写咩啊？

男秘书(细细声)：佢有案底架

老板：咩话？大声少少

男秘书(大声少少)：佢有案底架

老板：咩话？再大声少少

男秘书：佢有案底架！

老板：(拍台)喂！你唔好当我老人家好好吓wo！我依道系5会收d坐过牢嘅人

架！你走la ！

Part 2

场景：公园

人物：志阳、公园婆婆、老板、老板老婆、囚犯A、囚犯B、囚犯C

(志阳攞住报纸)

志阳：(打电话)你好，我前几日向你地公司递左求职信嘎，唔知结果点呢？

V.O.：呢位先生，如果你被我地公司录用左既话，我地会再通知你嘎啦。(挂线)

志阳：(打电话)系…你好。我想问你地系未请紧保安嘎？

V.O.：呃……唔好意思啊，我地已经请左人啦。(挂线)

志阳：唉，见左十份工，十份都唔得。唉…唉……唉！！!(扔罐，婆婆向后弹)对唔着啊婆婆！(将罐比婆婆)

婆婆：(路过)后生仔，做咩唉声叹气啊？

志阳：唉，我搵唔到工啊！

婆婆：后生仔，你咁岩遇上我呢个啊婆算你执到，我宜家冇份5够人手，学历要求唔高嘎，就系日日扫下街咁姐，有无兴趣呢？

志阳：(急忙递上履历表)啊婆，咁你不就请左我呢个年轻力壮既后生仔啦！

婆婆：唉，清洁工姐，使咩履历表啊(坐低，随手翻翻履历表)啊……后生仔，我见你都有中学毕业啊，成绩都唔错wo，点解又无人请你呢？

志阳：因为…我有案低啊…

婆婆：后生仔，你衰就衰在有案底，我老板未必肯请你，唉，我都帮你唔到呀。

志阳：(坐在公园长凳叹气)唉，连清洁工我都无得做，唔通连个天都唔钟意我？

婆婆：后生仔，其实有时候，边d嘢应该讲，边d嘢唔应该讲，你应该要知架，

下次讲嘢就自己醒少少啦！

(婆婆走了，志阳呆坐在公园好久)

(此时老板边走边讲电话，来到志阳附近)

老板：哎呀，老婆呀！都话左唔系咁咯，你听我讲啦！……唔系啊！你听我讲先啦！

我同我秘书果日只不过去倾生意咋！根本无你想象中咁复杂……喂，喂，老婆，喂！

唉！又cut我线，甘样我边有机会解释清楚bo，唉，今次水洗都唔清啦！

(志阳冷笑一声)

老板：笑咩笑？

(志阳续继笑)

志阳：听你岩岩讲电话，系咪同秘书倾生意，又有同老婆讲呀？

老板：你点知架？！

志阳：系咪以为你同佢有道？

老板：你又知？

志阳：仲唔只一次tim！(扔酒罐比老板)

(志阳续继笑)

老板：唉咪就系咁啰。都唔系第一次架啦。(同志阳一齐坐，开酒饮)唔怕同你讲，上次呀，我自己去酒吧倾生意，(慢慢走到台中)又比佢话我出面有女人啲！我边咁多女人呀！佢仲将我要心爱嘅……

(老板老婆拎住老板心爱嘅 **CD**)

老板老婆：你再过嚟我就擲架啦！

老板：**(转身向老婆)**老婆呀，你唔好咁激动啦！都话左我系自己一个去酒吧倾生意咯！

老板老婆：咁你做成身香水味呀！你唔系话个老细系男人嚟架咩！

老板：咁隔离台有个女人呀嘛！你估我想架咩！

老板老婆：你梗系想架，唔系嘅话你件恤衫点会有唇印架！

老板：喺，成件事系咁嘅.....

老板老婆：我唔想听你解释呀！你上次又话人地唔小心~~hi~~到，会注意返。你今次又系咁！你系咪静系注意边到有女人呀！哼！（走）

(老板走返长椅)

志阳：哪！女人好易哄翻嘎咋，佢地最中意甜言蜜语架啦，你返到去讲多d，之后就带佢去间高级餐厅，食餐烛光晚餐，开支87年红酒，再唔掂就买999粒士多啤梨...

老板：唔系999朵玫瑰花咩？

志阳：总之就士多啤梨la，一定掂！

老板：下，咪要好多钱嘞？

志阳：你要钱定要屋企呀？

老板(思考一下)：梗系屋企啦，钱可以再搵架姐，我就翻去试试！

(老板离开)

志阳：记得买士多啤梨！

(灯转，回忆过去)

(囚犯坐地)

囚犯A：志阳，仲乜你嚟钟意士多啤梨！

志阳：红色面上有d就一点点白色，有d就一点点点色，一粒粒几得意！细个食士多啤梨好难，几粒都要成几十蚊！宜家知道点种，唔洗买，可以自己种！几好啊！

囚犯A：志阳，你唔系真系想种拳头咁大嘅士多啤梨ar嘛？！

志阳：试下先la！（放低一盒士多啤梨，其他人拿一粒）

囚犯B：士多啤梨苹果橙，酸嘅！（扔返士多啤梨入去）

囚犯A：拿，我唔理大定细，白点定黑点，总之呢，我就要食甜嘅！

(钟声)

囚犯B: 唉，又要去步操la

(囚犯ABC离开，只剩志阳)

志阳: (食一淡)真系酸wo，唔得！我要种拳头咁大，而且甜嘅士多啤梨！

(灯转，第二日)

(志阳在公园打电话搵工，老板再次途经公园，手拿着士多啤梨进场)

志阳: 我想请问我上次份申请有无成功啊？…无成功啊，咁…好啦…唉

老板: 喂，真系唔该晒你啊，我老婆唔再怀疑我啦！老婆一见到D士多啤梨就好似明白晒所有嘢，无晒怒火！啊，不过呢，佢就话仲差少少嘢，但我谗嚟谗去都唔知争D咩，不过唔紧要la，最紧要佢无晒火。

志阳: 都话左我d方法得嘎啦，唉，不过我呢边就唔多得啦！

老板: 做咩？情圣遇到追唔到既女仔？

志阳: 唔系啊！唉，系我搵左好多份工，无一份收我啊！你睇你睇，就连无咩人做既通渠，果度d人都唔收我啊！

老板: 哦…可能系你唔识通渠姐…但系，你d口才唔错啊，点解无人欣赏你啊？

志阳: (思考)…，总之我点努力都好，都无人欣赏我lo。

老板: (睇下A手上既报纸)不如咁！我呢就系一间岩岩起步既公司既老板，宜家好缺人，我邀请你来我公司做！

志阳: 吓！真架？但系…

老板: 仲但系啲咩啊！你口才咁好，又有d小聪明，跟我翻公司啦，你一定会做得好好架！

志阳: 不过…

老板: 唔好不过？一于拍着上la！

(两人搭住肩离开)

第三场：揭露

场景：电视台

人物：主持Jessica、PA Rebecca、志阳、老板、囚犯B

Rebecca：好，手足换景！

(Jessica、志阳、老板上台，慢行去台中)

(囚犯B系台另外边做嘢)

Jessica：两位嘉宾，一阵间呢，你地讲D嘢要爆D wo ！内容都要丰富D，咁会吸引到D观众架。

(Rebecca系另一边上台，准备录影厂)

(囚犯B见到志阳，走向志阳)

囚犯B：哦…沈志阳 ！喂，好耐无见wo ！仲记5记得我啊？

志阳：(犹豫一震)我好似唔识你架wo…

囚犯B：你认得我嘅，我咪系567474 lo ！

志阳：…（显得非常尴尬）我都系唔认得你。

囚犯B：…好，明嘅。做咗老板la嚟，做访问la，唔认得人la，想当年仲同囚梦 tim。

(囚犯B向台左走)

Jessica：啊，咁不如两位到果边休息下先。

(志阳同老板走到台左，Jessica追着囚犯B)

喂！荣哥，岩岩听到你话咩…同囚异梦啊？讲嚟听下啊。

囚犯B：无嘢好讲呀！

Jessica：(停低囚犯B，比钱)饮茶饮茶。

囚犯B：哪，当年呢，志阳就…

Rebecca：导演，准备好la ！

(志阳、老板、Jessica走到台中)

(音乐:清谈节目开播声)

(播放悠闲嘅背景音乐)

Jessica: Hello, lady and 嘅gentlemen ! 又黎到我地西张东望嘅环节系呢个节目, 系依个节目入面, 我会为大家揭开所有知名人士背后不为人知嘅面! 至于我系边个? 我就系你地嘅女神主持人(用手甩甩头发)Jessica啦! 入返正题先, 今日呢我地好高兴今日请到两位精英, 依两位精英就系香港用咗只系短短三至四时间就称霸本地家具业界嘅E家家司嘅两位创办人志阳同Eddy, 欢迎两位。(拍手)

Jessica: 咁今日我希望可以透过呢个节目去深入了解你地个……不为人知嘅一面啦(奸笑)事不宜迟, 即刻进入第一条问题! 你地系点样认识呢? 可吾可以透露少少泥听下先?

老板: 点识啊…

志阳: 我喺公园果道散步, 咁岩遇到老板佢。

Jessica: 咁岩遇到老板?

志阳: 系啊, 人生有D嘢就系岩得咁桥架, 果日我就遇到老板, 我又无意间呢就听到佢有小小烦恼wo。

Jessica: 咁唔知当时依个小烦恼系咩呢?

老板: arr, 依个系咩烦恼又真系5系太重要嘅…

Jessica: 唔系唔重要架! 我地D观众好想知到架!

老板: 唔系架, 总之真系唔重要架! 总之就系个一次我发现佢口才几好, 而且仲同我一样都几有生意头脑, 于是熟络左之后就同佢合作开埋呢间公司, 话都有咁快就4年lu. 话晒我地都系相识左足足10年嘅好兄弟(搭老板肩头), 大家咁了解对方, 咩秘密都有, 亲过亲兄弟

志阳: 系吖系吖, 老板佢吖, 人品都吾知几好吖! 就算系生意上有argument我地都会互相配合互相包容, 有时候我吾小心出左错佢都会体谅我 如果我地真系两个世界嘅人, 又点会做到今时今日咁嘅成就吖!

Jessica: 你地依3至4年真系好好wo, 老板份人又大方, 连个好拍档坐过牢都5介意架wo !

(老板同男主面有难色, 互相对望)

Jessica: 咦, 点解你地个样咁错愕嘅? 吾通老板你吾知你拍当坐过牢? 你地吾系亲过亲兄弟, 唔通系假嘅?

老板: (吞吞吐吐)eh...呢嘅嘢我就紧系知la, 只要有实力……以前经历过嘅咩, 冇咩所谓啦

志阳: (勉强地说)佢紧系知道啦

(志阳对老板强颜欢笑)

Jessica: 咁好la, 咁我地先休息一下, 阵间番泥继续第二节啦 !

Rebecca: 导演cut左啦, ca姐可以休息下,手足转景

志阳: (吞吞吐吐) 其实…

老板: 我地再讲…

第四场：转变

场地：公园

人物：老板、志阳

(老板坐系长椅同秘书讲电话)

老板：Eilee，同我hold住系愉景城个project.... 等我再check 多次，签多个名先同对方确认.... 我知我知本来系沈先跟，但我想再check多次，沈生果边我会处理... (志阳到公园，Eddy见到)好啦...唔好噤八挂...(挂线)

(志阳走进)

老板：(放低文件)过泥坐低吓，有少少嘢要同你倾一倾

(志阳坐低，拿着士多啤梨)

老板：er...其实，你你有冇谗过休息下？

志阳：休息？哈！而家呢个岁数系搵钱嘅黄金时期泥喎，努力多几年先算啦

老板(拎出一张支票)：拿，呢道有笔钱，应该够你过埋之后嘅日子

志阳：下，我依加5等钱洗wo，5洗la！

老板(打断说话&攤出小单张)：你有冇谗住去下旅行散下心吓？呢道有个马尔代夫嘅旅行团吓，你……

志阳：我话过公司一日未上市，我一日都唔会去旅行架！

老板：你话你有个梦想，种D杈头噤大嘅士多啤梨！

(志阳静默数秒，放下手中的士多啤梨，然后攤起支票准备离开)

志阳：虽然仲未种到杈头噤大嘅士多啤梨，但总比普通嘅大小小，有时间！试试味道！

(志阳离开)

(老板放下士多啤梨)

老板：有d嘢破坏咗，就修补唔到

第五场：寻死

场景：幸花村

人物：志阳、呀公、呀婆、老伯伯、士多店老板

志阳：(自言自语)(手持酒樽) 唉，古人嘅说话真系无错！纸，始终包唔住火！果然有案底既人点都无人肯收我架啦。不如系度完左佢啦。

老伯：(对士多老板) 陈仔，有冇后生仔租地？

士多店老板：无人问津！

志阳：老板！有无炭卖啊？

士多店老板：后生仔，呢度唔系烧烤场，点会点会有炭卖嘎？

志阳：咁呢度附近有无空左既屋？

士多店老板：吹吹吹，我地村住满人嘎！后生仔你系未来搞事嘎？

志阳：唔系唔系，唉，连个天都唔比我死，究竟个天为咩留低我？我呢件垃圾，唔死都无用嘎啦。

(老伯在旁留意志阳)

老伯伯：后生仔，做咩口出狂言？人唔系咁容易就死到嘎！

志阳：啊伯，唔系我想死啊，系呢个社会根本容纳唔到我啊！

老伯伯：后生仔，你有手有脚，点会容纳唔到你啊！你至少都读过下书啦！

志阳：啊伯，你有所不知，我坐过监嘎！边有人要我呢有案底既人啊？

老伯伯：咁你宜家打算点啊？(向老板示意要酒)

(老板摆两罐酒系老伯面前)

志阳：唉。烧炭自杀不遂，我可能翻自己屋企割腕算la，总之我唔想留起呢个世界度啦！

老伯伯：后生仔，不如咁，你先唔好自杀住，你帮我做件事，过几个月，你再掂量下你仲要唔要自杀，好唔好？

志阳：反正我都系就离死嘎啦，唔争在做下好事，死左之后都唔使落十八层地狱啊！